




www.BibleForChildren.org


Génesis 1




Nantifi nan non oiainfo oni
huataima Diosin
nai yafi mai oni
huaquin tau
huani.



Tau huaquin mai yafi unu pashcanan
huataima. Nantifi ununhuancoin
ipaoni. Natian ipaoni cuscarama.
Faquishihuacoin iyopaoni.
Nishfomanhuan cuscaraton
faquishihuan huaa ini.
Diosin Yoshin
Sharapan amanaon
cahuacacainquin
oiancuni.




Ascashon Diosin yoiquin, —Shafan ihuu, —huaino.
Shafanriscatani. Ahuun tsainmansi oni huani. Man
pashcanan huashon anuni shafan punaran huafain
faquish yamuran huani. Nanscafin osha fusti huaquin
tau huani.




Ascashori Diosin yoini, —Unun pashcahuu. Nai
fomancaya unu huafain ananmanrinoari unu inon,
—huaino nanscacoïn ani. Ascashori unu pashcanan
huaqui amanaonri unu icaino ananmanri unu inon
huashon. Nan amanaonrinoa anuqui nairan huani.
Nanscaran osha rafutan huani.



Ascashon Diosin yoiquin amanaon nai icaino anamanri
unu inon. Ascatan nan unuri tiri futsa icaino mai muto
tiri futsa inon huani. Ascaino nanscacoïn ani. Ascashon
nan mai mutori anuquin mairan huafain nan unu
anuquin unuhuanran huani. Ascahuashon Diosin oian
shara ini.



Asca huatan Diosin afanan yoini. —Nantifi yono futsa
futsatapafo fimiya icain ushuyafo inon. Ihui fimitiofori
mai ano foainon, —huani.
Ascaino nanscacoïn ani.
Nanscafi osha rafu
non fustitan huaniquin.



Ascashon nan chashai uhuapa rafu. Futsan yamu
chashai uhuapama huafain futsa nan
uhuapacai shafatan chashai huani.
Ascashon nan shafatan chashai
anuquin fariran huafain nan yamu
chashairi anuquin oshuran huani.




Ascashon nan yamu chashai futsaforifi fasi ichapacai
anuqui fishiforan huani. Nanscafin
osha rafu non rafuritan huaniquin.



Ascatari Diosin yoiquin unu
murannoafo shiman futsa
futsatapafo yafi nan unu
muran icafo inon huafain
puiyafori mai ano
noyamisifo inon huani.
Nanscafin mucu fustiti
oshatan huaniquin.




Ascatan Diosin afanan yoini, —Yoina inahuamutiofo
futsa futsatapafo icain naman sharatirofori inonfo.
Ascatan yoina futsa futsatapafo inonfo, —ishon Diosin
yoini. Ascaino nanscacoïn ani.



Asca huashon Upa Diosin yoiquin isca huani, —Natian non nocofunuri oni huanon non shinain cuscara arifi shinanon. Ascano nan mai anoafo futan unu murannoafo non nan noyamisifori nanfoan ato ifo inon, —ishon yoini. Ascashon Diosin nan oni hua cuscan oian nantifi sharacoin ini. Nanscarafin mucu fustiti yafi mucu foshca fusti oshata huaniquin.



Ascashon nan mau Edén ano nocon Ifo Diosin Adán nichini mau ano orofain cushusharanon.



Ascatan Diosin Adán
yoiquin isca huani,
—Naan na fana nantifi
ahuun fimi min
pitirosarafo. Naanfo
pihuu. Ascan nan fana
futsan ahuun anu shara
yafi chaca nan
piyamahuun. Ascan
nicayosmacai nan fimi
piashuforan nan icocoin min
nairan, —ishon yoini.




Ascashon maiyashon yoina futsa futsatapafo yafi puiya
nai muran noyamisifori oni huani. Naanfo
onihuapashon Diosin Adán shinanmaqui ihuuni ato
anupacunon. Nantia Adán yoina futsa
futsatapafo yafi inafonon puiyafori
anupacuni. Asca huatan Diosin oiancai
rato yoina futsa nocofunu
fu rafutiro inima.



Ascashon nocon Ifo Diosin Adán oshan
muranmacoinshon ahuun pishi shao futsa tsucashon
ahuuscama ointsa huani. Ascatan nan pishi
shaohuunoa ainfo oni huani.

Nan ainfo oni huashon
Diosin Adán oinmani.



Nan nocofunun ainfo fiatiancai afanan
apa yafi ahua fu itiroma. Apa yafi
ahuamaquinoashu pashcatiro ainfo
fiiashu. Ascashu nan fusti cuscaran
iishquin.



Unfin Upa Diosin Facu fustiquin.
Ascafiashu nantifi yorafohuun fasi
noiquin ua nichini atohuunoashu un
nanon. Nan ua icoinra huafoti
omitsiscapatamarocon Upa
Dios fu ipasharanonfo.



Romanos 3:23 Manifoti anoafoan nantififain man non chaca huamisi. Upa Diosin noco imapaiyai cuscacai tsoa acoinmisima.

Romanos 6:23 Tsoa chaca ahuun ifono ahuunshon ato omitsiscapanacafo muran potashquin. Ascafia nocon Ifo Jesucristohuunshon Upa Diosin noco cashman numano non afu ipanon.

Hebreos 9:27 Ascan nantifi yorafo non nai futsushquin. Noncai nofiri yoitiroma ahuutianmain non naicain. Diosin fustiton yoitiro. Naashu nantifi non aqui nocoaiton niyoshon non amisi cuscan noco yoishquin. Noco yoiano nan Jesús icoindra huafoti afu ipasharatirofo. Nan icoindra huamisifoma ato omitsiscapanacafo muran potashquin.



Efesios 2:8,9 Asca afanan un mato yoi. Non ahudara shara huahuu rafanancai noco Diosin numaima non omitsiscapanonma. Diosin afi nocohuun ramapaicoishon noco cashman numai noco chaca soashoshquin. Ascan tsoacai iscatiroma, —Ufin Dios shara huamisiquin. Ascashufi un Dios fu ipatiroquin, —ishocai tsoan anori yoitiroma. Ascatama non Jesús icoinra huaiton Upa Diosin noco numatiro non afu ipanon.

Romanos 10:9,10 Ascano, —Jesús uhuun lforan, —huafain man shinanquin isca huai, —Jesús nafiacun Apa Diosin funimaniran, —ishon maton nomuran man icoinra huaiton maton chaca soashotiro afu man ipanon. Ascan maton nomuranshon man icoinra huacun Upa Diosin maton chaca soashotiro man isharanon. Man futsafo, —Jesucristo uhuun lforan —ishon yoiaiton mato imapacunaca.



Juan 3:16,17 Unfin Upa Diosin Facu fustiquin. Ascafiahu nantifi yorafohuun fasi noiquin ua nichini atohuunoashu un nanon. Nan ua icoinra huafoti omitsiscapatamarocon Upa Dios fu ipasharanonfo. Ua mai ano nichini un ato onaintimatama un aton chaca soashonon uhuunoashu nipanonfo.

1 Juan 5:11-13 Isca huaquin Upa Diosin yoini, —Uhuun facuhuunshon un mato nimapacutiroran, —ishon yoini. Tsoa Furun fu rafuafin nipanacaquin. Ascafia tsoa Furun fu rafuamacai nipatiroma. Jesús Diospan Furun man icoinra huaa. Ascan un mato nanfo cunushoni man nipanaca man tapinon.



Génesis 1-2

Storyline by: Edward D. Hughes

Illustrated by: Byron Unger, Lazarus
and Alastair Paterson

Adapted by: Bob Davies; Tammy S.

Sharanahua Diospan Bible (mcd) © 2008, Wycliffe Bible
Translators, Inc. All rights reserved.

<https://www.bible.com/bible/522/GEN.1.MCD>

©2025 Bible for Children, Inc.

www.M1914.org

www.bibleforchildren.org

